

in publicum prodiret: cum primus & præcipuus Tomus S. Cæs. Maiest. vsq; dum maiora damus, iure debitus, eidemq; humilimè inscriptus, (quæ de hisce & similibus longè supra vulgi captum euectis sublimib. exercitiis Clementissima cū D. tuâ & crebra solet agitare colloquia) te quasi digito videretur indicare. Proinde te, Vir amplissime, tanquã fidum, & harum rerum intelligentissimum ad Cæsar. Maiestatem internuncium iam pridem optimo jure mihi delegeram, cui laborem hunc arduum, multis vigiliis à focero Braheo elucubratum consecrarem; spe certâ subnixus, me hac saltē ratione (cū alio officiorum genere tātum virum demereri non possim) ab ingrati animi crimine, Deo & mortalib. inuiso, liberatum iri; cū ob ingenioli mei imbecillitatē, & ætatem juvenilem, ipse hætenus ea solidæ obseruantia indicia è meo penu proferre non potuerim, quæ animus jam dudum mirum in modum gestiebat: Tametsi mihi perdifficile sit statuere, vtrum ego D. Tuæ Illustri pluribus nominibus deuinctus sim (licet ei totum me debere nō inficier) vel tua præstantia præclaris suis actionibus, literarum potissimum & literatorum promotione sibi ipsi debeat: Nam si omnia D. Tuæ Illustr. insignia erga Remp. merita ad amussim reuocâro; quisnam (obsecro) adeo liuido præditus est ingenio, vt nō agnoscat (ipsâ testimonium perhibente conscientia) indefessam istam diligentia Diuinitus tibi obtigisse, quam per omnes, non Politicas solū, sed & humaniores Artes, Mathematicas imprimis, quas inter cæteras probe calles, in tantis Reip. curis, idq; cū alii à laborib. requiescere solent, assiduè exerceas! adeo mediisfidius, vt Eruditi & intelligentes vno ore id extollant & mirentur; Zoili verò & Aristippi, quorū non paucos queuis habet Aula, tacitè magis secū (ingenitâ virtuti naturâ) suspiciat quàm emulentur.

Vt